



Nunavunmi Parnaiyiit

# ATANIUYUNUT NAINAQHIMAYUQ

**2021 Nunavut Nuna Atuqnia Parnaut**

---



Tapkuat Nunavut Parnaiyiit Kamisan (tamna **Kamisan**) pinguaqtayut inungnut kavamagiyaugatauyut malikhugu tamna *Nunavut Angirutit* tamnalu *Nunavut Parnaiyainiq tamnalu Havanguyut Naunaiyaqni Maligait*. Havalluangi hannaiyaqni nuna atuqnia parnautit tamaanut taiyauyuq inaa Nunavut ilautitlugu tamna Hilataani Nunamun Hikuhimania Inigiya. Ilanga atuqpiaqniat ihumagiyaayut tapkunani *Angirutit* tamna hapumminia aturahuaqtitnia-lu inuuhiriknit Nunavutmi nunaliuyut nunaliuyutlu, ilangagut atuqhugit havarittiaqni atuttiaqnilu nuna atuqnia parnaiyainiq pitaqtaq ihuaqhihimani tapkuat avatiliqutit, inuliquitit maniliurutitlu piyaqaqni pilaqnitlu.

Nunavut pihimaniriya atauhiq-tallimauniat Kanataup nuna aktilanga (ilagiya 2.1 milian km<sup>2</sup> nuna imaqilu) anginiqpauyuqlu nunaliqutit nunatagaunia Kanatami. Pihimaniaqpauyuq Inuit inugiakni pihimaplutiklu ikitqiyat 40,000 nunaliuyut nunalgit tapkunani 25 ilikkuqtut nunaliuyut hiamakhimayut pingahuni nunaliit avikhiimanini. Nunavut piqaqtuq ukiukitniqpat aglivaliatitquqniapaqlu inuguiaknit Kanatami, piniarahugiyaunia tikitnia 48,000 inungnik talvunga 2035. Nunavut atuinaqtuq pivaliatit-ni atuqatigikniq ihuaqhihimanilu maniliurutit turaqnit. Pigaluaqtitlugu angiyumik pilaqni hulivalliq maniliurutit aglivaliania, piniqhamik atquhugit ilitquhia piqaqnit pivaliatitni, tahapkuatut aglivaliani piyalik ihuaqhihimani havarinilu mikhigiaqnia angiyumik inuliquitit, maniliurutit aaniaqtailiniqlu piqaluangitnit, tapkualuttauq ayyikkikitaungitni tuluqtautitlu hanmiyai Nunavummiut.

Akungani 2006 tamnalu 2020 ta[kuat Kamisan pinguaqtai attaqtuymik parnaiyainiq maligait, ihumagiyauni pinahuaqnilu tuhaqumapkaqninut pivaliatitni tapkuat Nunavut Nuna Atuqnia Parnaut (tamna **Parnaut**), havaqatigittiaqhugitlu Nunavummiut, Parnaiyainiq Katutyiqatit piqatauyutlu naunairiangi inait atuqpiaqnit hivullituaqnilu pinnariyaunilu nunaliuyut. Tapkuat Kamisan ihumagikmiyai hivullituaqni Kanataup, tapkuat Kavamatkut Nunavut, Inuit timigiyai, ahiilu kavamagiyaugatauyut inungnut, havakvit, nunaliuyut hanianittut nunatagaayut tapkuatlu kavamatkungittut timiuyut havaktauninut tapkuat Parnaut. Tapkuat Kamisankut *Attaqtuyuq Nuna Atuqnia Parnaiyainiq Maligait, Ihumagiyaayut Pinahuaqtailu*, piqatigiplugulu Nakataani 11 ahiilu turangayut nakataini tapkuat *Angirutit*, ialutitlugu Nakataini 5 tamna-

lu 7, tuhaqhitat pivaliatitnit uuma Parnaut.

Tapkuat Kamisan hannaiyaqtaq hivuani uuktut titiqnit tapkuat parnaut talvani 2012, 2014, tamnalu 2016, hivuliqtauplunilu atuqpairahuaqnit atuqpiaqtitni hulittiaqtumik, naalakni ilaliutinilu uqaqatigiknit ihumagiya tapkuat nakuuniqpat pilaqni tuhagakhat tapkunanga Inuit Qaujimaqtuqangit tapkuatlu qablunaani naunaiyainiq, havarihimayai hannait nunauiyuni katimanit. Tahapkuat ilaliutiyat amihut pulaqnit tamaitnut Nunavut nunaliuyut, aktuayai nunaliuyut Nunavikmi, tapkunani Dēnesūliné nunaliuyut ungalaani Manitoba tamnalu Saskatchewan. Tapkuat Kamisan atuqtitmiyai inungnik naalakvit talvani Iqaluit tapkunani Qikiqtani tamnalu Nunavik avikhiimanini kinguagutlu iniqtiqtaq nunaliit avikhiimanini nunaliuyut piqataupkaqninut tapkunani Kitikmeot tamnalu Kivalliq nuanliuyut. Pinahuaqhugit hannaiyaqni uumunga Parnaut, Tapkuat Kamisan ilittai angiyumik havarini tapkuat hivullituaqnit pinnariyaunilu tahapkuat tuhaqvigiyamingnit. Tapkuat Kamisankut tamaat inungnut titiqtaq, ilalgit uqaqatigiknit, tituraqni uqauhit, tuniyaayut, tapkuatlu titiqni katimatyutit piyaulat qaritauyakkut talvani:

<http://lupit.nunavut.ca/portal/registry.php>

Tahapkunanga ahiinit hunat, tapkuat Kamisan tuhaqtaq tapkuat pitaqnit angutat niqit tapkuatuit tuktut, iqaluit, tariumilu angutikhat, puqtuniqpaq hivullituaqni nunaliuyut Nunavutmi hilaliriyailu nunatagaayut, angunahuaqniqlu niqikhanik tamatkiknik pitaqni tahapkuat nunalikni niqit piqaqnit ihuaqhihimanilu aturahuaqtitnilu Inuit ilitquhit atuqatigikniqlu inuliquitit atuqpaknit pitquhitlu. Tamna Kamisan uqauiyaayut tatya uumayut amigaitni amigaitpiariuit hivuaninnganit, tapkuat atuqpiaqtut nayugauvaktut haputihi-mayalgit, tahamnalu hilap allanguqnia inungnitlu ulapihaqni taiyauyut ingattarutauni pityutaayut. Pitaqni hivuranaittut imigaulat imait, naliangugaluaqat nunaliknit pitaqvia uvaluniit kuugaayaqnit maniqamittuni, atuqpiaqmiyuq tahapkununga Nunavummiut. Tamna Kamisan tuhaqmiyai piyaqaqni maniliurutit pivaliatitni, tamaknit atutqikhalat tapkuatlu atutqikhalaittut piqaqnit, naamaktut aulatyutit havagutai piyakhai maniliurutit inuuhiriknit Nunavummiut tapkuatlu hivituyumun hunniqtailini nunguttailinilu nuna, angutikhat angutikhatlu nayuqpaqtaq, tamnalu hakugitqi-





yamik allatqiniklu maniliurutit huli ihuaqhihimaplugit pitquhit inuuhit Inuit.

Tamna atuhimaitpiaqnia inikha aktilanga, ayuqnaqnia allatqiknilu pityutit, tapkualuttauq akiraqtutiyut pinnariyauni hivulliutyaqnitlu pityutauhimayut taphuminga Parnaut ilaliutyaqni ayuqnaqtut kihimik pittaililaittut himmauhiqnit piyalgitlu havarittiaqni ihumaliurutit piplugit nuna atuqnia maligait taiyaunitlu. Tamna Parnaut ikayuqtuqta piqatigiyanut titiqat - 2021 Atulat tamanlu Aturahuaquyayut (2021 O&R), tapkuat nainaqtai unniqtutit tamnalulu tuhagakhaq pityutailu tapkununga allatqit maligait nunaplu atuqni taiyaunit uumani Parnaut atuqta uumani ihumaliurutaunia havaguta. Pinaqhimayut tuhaqhitni partnaiyainiqmun katutyiqatit inungnutlu tuhaqhitnit tapkuatlu nunaliuyut pinnariyai tapkuat Kamisan ihumaliutainut aturahuaquiyarangata nunap atuni maligait taiyaunitlu. Tapkuat 2021 Atulaqnit Aturahuaqunitlu piyaulat talvani Kamisan qariyauyakkuviani ataani tapkuat Inungnut Titiraqaqvi ilangani.

## Ataniuyunut Nainaqhimayut\*

Aturiqat tamna Parnaut angiqtaunia, piniaq maligaqtigut atuqtaunia atuqpaliayaulunilu atuqlugu qaphit hanalrutit ilautitlugu malikhaqni naunaiqtaunit tapkunanga Kamisan atuqlugitlu tuniyauni pilarutit, laisayut pilarutailu tapkuat maligaliriyit pilaqtitiyit. Tamna Parnaut atuqniaq tapkununga “havariyayut” taihi-

manitigut talvani *Nunavut Parnaiyainiq Havanguyutlu Naunaiyaqni Maligait* uingaittumiklu taiyaunit atuqriaqangitni tapkuat angunahuaqniqmun angutikhat tapkunanga tukhiraunit tapkunani Parnaut, tapkuat havaktauyut ilikkut tapkunanga Nunavut Uumayuliriyiqyut Katimayit malikhugu Nakataani 5 tapkunani Angirutit. Atuqniqhamik, tamaat atuqpaliani tapkuat Parnaut ahivaqta tapkuat Keewatinmiut Nuna Atuqnia Parnaut tamnalulu Ungalaani Qikiqtaalukmiut Nuna Atuqnia Parnaut.

Tamna Parnaut ihuaqhaqtauyut tapkununga siksit taiguat ilaplugit ikayuqtutit hunat hatqiqtai tapkuat kinguagut pityutit, ihumagiyauni tamnalulu Parnaut piyaqaqnit. Tamna pityuta nainaqhimayutlu atuni taiguat tamakuanguyut:

**Taiguag 1:** *Nuna Atuqnia Parnaiyainiq tahamani Nunavutagaayup* Iluani unniqtuqtai tapkuat Parnaut, ilautitlugit tamaat takuyaunia tapkuat Kamisankut paraniyainiq p[ityuhi, piqaqtitnilu tamna “atuqtit hivulirutai” tapkununga Parnaut. Nainaqhimakmiyai tapkuat Kamisankut attaqtuyumik parnaiyainiq maligait, ihumagiyauni, pinahuaqta parnaiyainiq pityuhit, tapkuat uqaqatigiknit havariyauni tamnalulu ihumaliuqninut havagutai atuqtaunit. Tamna Parnaut aulatai nuna atuqni piplugit tahamapkuat piyaqaqnit:

- Aulayangi nuna atuqnia, ilanga tahapkuat pingahut nuna atuqnia taiyaunit tuniyayuyut tamaitnut



inigiya tapkunani Parnaut atuqtut:

**Kikliqaqtut Atuqnia inai** unniqtauyut ukiunga-nut-tamaat pittailini ilanga uvaluniit ilaplugit qanurittuni nuna atuqnia. Tapkuat ilaqalaqmiyut malikhaqni piyaqaqnit, tapkuatut ukiup ilaani pittailitit ilaitnut nuna atuqni uvaluniit hanivaumatai piyaqaqnit avataani atuqpiqaqtut qanurityutai. Kikligit Atuqni inait takukhaunigut talvani Nunauyaq A (Nuna Atuqni Taiyaunit).

**Aturiaqaqrutilgit Nuna Atuqnia inait** unniqtauyut tapkunanga malikhaqnit piyalgit tahapkuatut ukiup ilaani pittailitit ilaitnut nuna atuqnit, uvalunit avatqumata piyalik avataani atuqpiqaqtut ilagiyat. Aturiaqarutit Atuqni inait takukhaunigut talvani Nunauyaq A (Nuna Atuqnia Taiyaunit).

**Akuhimayut Atuqni Inai** naunaiqtauhimayut pilaqninut ikayuqhiutini allatqit nuna atuqnit qanurityutilgit pittailitaittumik atqunit uvaluniit malikhaqni piyaqaqnit. Tapkunani Akuhimayut Atuqni inait, Tamaita atuqni ihumagiyaayut malikhaqninut tapkuat Parnaut. Akuhimayut Atuqni inait atuqpiqaqtut ilaitnut Pinnariyaayut Uumatyutit Ilagiyai tamnalu Pinnariyaayut Inuliquitit-Maniliurutit Ilagiyai hatqiqtauyut talvani Nunauyaq B.

- Parnaut piyaqaqni, taipugit pittailitilgit atuqni, tapkuat havanguyut ihumagiyaayut ihuityutilgit nuna atuqninut, malikhaqnilu piyalgit tapkuat aturiaqaqnit tahapkuatut ilagiagutai uvaluniit ukiup ilaani pittailitit nunap atuaninut naamagialgit malikhar-iangi uumunga Parnaut. Havanguyut pittailitaittut iluani Kikliqarutilgit Atuqni inai uvaluniit Atuqrialgit Atuqnia inai atuqtauyalgit maliklugit tamaita malikhaqnit piyaqaqnit ihuaqhihimayut uumani Parnaut taphumunga inaanut. Malikhaqnit piyalgit ilaqariaqaqmiyut laisauyumi, pilarutmi uvaluniit ahii pilaqtitaayut tuniyauni taphumunga maligaliriyi pilaqtitiyi.
- Pinnariyaayut Ilagiyai, taipugit Pinnariyaayut Uumatyutit Ilagiyai uvaluniit Pinnariyaayut Inuliquitit-Maniliurutit Ilagiyai, tapkuat naunaiqtaulat kituniliqak nuna atuqnia taiyaunia ilautitlugu Akuhimayut Atuqnia inait. Unniqtuqniagut talvani Taiguaq 6, uukturutilgit piyalgit ihumagini Pinnariyaayut Ilagiyait parnaiyailirangamik havanguyut uuktutainik naunariaqaqtailu atuqniarahugini

aktuanit tapkununga Pinnariyaayut havanguyumi uuktutit tuniyaayut tapkununga Kamisan atuqpiqaqtunut aktuanit tapkununga Pinnariyaayut Ilagiyait. Maligaliqutit pilaqtitiyi aturahuaquyaayut ihumaginittauq Pinnariyaayut Ilagiyait naunaiyailirangamik havanguyut malikhugu inmingni pilaqvigiyaamingni hakugiknit.

- Ukiup ilaani pittailitit unniqtauyut nakataani 1.4.6, tapkuat naunaiqta ilai malikhaqniqmun piyalgit Kiklikni Atuqnit tamnalu Aturialgit Atuqni inait atungittut ukiup tamaat. Piqaqtuq siksiniq ukiup ilangani Nunavutmi, pigiaqviqaqhutik nungutvilu ublut allatqit tapkununga nunaliit avikhihimanianit avikhihimaninut hatqiqnitigut talvani titiqat 3 talvani Parnaut. Mikiyut allatqigutit tikitlugu malruk havaguhik tuniyaulat tahapkununga ublut, ihumagiplugit allatqikni akungani ukiut.
- Tamna Parnaut ihuinarutaupkaqta malikhugu tamna *Nunavut Parnaiyainiq Havanguyutlu Naunaiyaqni Maligaqyuat* ahiruyami taihimayunut Parnaut Piyaqaqtitnit. Titiqat piyaqaqninut tapkuat ilalgit ihuinaqnit piyaliknut ilalgit ihuinaqnit malikhugu Parnaut malikhugit nakataini 48(4) tamnalu 74(f) tapkunani *Nunavut Parnaiyainiq Havanguyutlu Naunaiyaqni Maligaqyuat* ihuaqhahimayut atalvani nunnguani Taiguaq 6. Uuktutilgit tiliuqtauyut naunaiqtutiginu tapkuat Parnaut tamnalu *Nunavut Parnaiyainiq Havanguyutlu Naunaiyaqni Maligaqyuat* tuhaqhittangi inmingnut tapkuat maligaqtigut havariyai piyaqaqtailu.

**Taiguaq 2: Hapummini Ihuaqhihimanilu tapkuat Avatiliqutit** piqaqtitai hapummininut nunguttailinilu Nunavutmi hilaa, imaq, nuna, angutikhat nayuqta, angutikhatlu. Hapummini ihuaqhihimanilu tapkuat avatigiya atuqpiaralgit atuqpiqaqnit tahapkuat nunalgit tahamani Nunavutagaayut iluani. Tahapkuat inait pityutitlu hugiaqtauyut ilaliutinilu Parnaut Piyaqaqtitnit, tapkuat ahiruqtauni tapkuat pittailitit malikhugit nakataini 48(4) tamnalu 74(f) tapkunani *Nunavut Parnaiyainiq Havanguyutlu Naunaiyaqni Maligaqyuat*, tamnalu Tuhagakhat tapkununga Pinnariyaayut Ilagiyait tapkuat piyaulat pitquhiqnut piyaqaqtitnit ihuaqhihimanu talvani Taiguaq 6:

- atuqniqpat tikittaqtut tingmiat nayuqpaktai inait;

- tukut;
- nannut iglumiuvit inait;
- aivit nunami qakimavit;
- qinalukkat piaranikvit inait;
- Atlantic Uugait tahiit;
- tariuqni inait atuqpiqnit;
- nunataqatigingittut atuqatigikni ihumagiyauni; tamnalu
- hilap allanguqnia.

**Taiguaq 3:** *Aturahuaquni Nunguttailiniq Parnaiyainiq* hivunmuktitai pinahuaqnia nunguttailiniq piqaqtittugit minnguighiqvit, nunguttailivit inait tapkuat hapuhimani ahii inait piyauyumayut. Tahapkuat inait naunaiqtauyut ikayqutuqni tapkuat Kamisankut pinahuaqta pinahuaqtitni nunguttailiniq parnaiyit ilaliutiplugit Parnaiyit Piyaqaqtitnit, tamna ihuinaqnit tapkuat pittailiyauyut malikhugit nakataini 48(4) tamnalu 74(f) tapkuat *Nunavut Parnaiyainiq Havanguyutlu Naunaiyaqni Maligaqyuat*, tamanlu Tuhagakhat tapkununga Pinnariyauyut Ilagiyait tapkuat pilat pityuhiqnut piyaqaqtitnit ihuaqhihimayut talvani Taiguaq 6:

- hivuani minnguighiqvit:
  - o hivunikhami nunaqyuaqmi nunatagaayumilu minnguighiqvit; tamnalu
  - o uuktutauyut nunaqyuaqmi tariuqni nunguttailivit inait;
- nunguttailiyauyut inait:
  - o Thelon Angutikhat Hapummivia;
  - o tikittaqtut tingmiat hapummivit;
  - o nunaqyuaqmi angutikhat inait;
  - o uuktutautyut Tariuqni Maligaqyuat tariuqni hapummivit inait;
  - o atuqtauvaktut inait; tamnalu
  - o Kanatamiuni pitquhitsuqat kuugait.

**Taiguaq 4:** *Piruqhaqni Aaniaqtailiniqhat Nunaliuyut* aturahuaqtitni hakugikhivalliqnilu Inuit ilitquhi pitquhitlu. Tamna taiguaq pinahuaqta ikayqutuiniq nunaliuyut piyaqaqnit hivulliutyaqnitlu, ilautitlugit nunaliuyut imiqpakvi imiqtaqvut inaitlu piyauyumayut naunaiqnit nunaliuyut pityutiqaquqnit hapummiyau-ni. Tahapkuat inait pityutitlu naunaiqtauyut ikayuq-turiangi tapkuat Kamisankut pinahuaqta piruqhaqni aaniaqtailiniqhat nunaliuyut ilaliutinilu Parnaut Piyaqaqtitnit, tapkuat ihuinaqni tapkuat pittailitit malikhugit nakataini 48(4) tamnalu 74(f) tapkunani *Nunavut*

*Parnaiyainiq Havanguyutlu Naunaiyaqni Maligaqyuat*, tapkuatlu tuhakhat tapkununga Pinnariyauyut Ilagiyait tapkuat piyalgit pityuhit piyaqaqtitnit ihuaqhaqni talvani Taiguaq 6:

- nunaliuyut inaitni piyauyumani;
- ilagiyait tapkuat Nunavutagaayup Iluani atuqatigikni tahapkununga Nunavutmiungittut nualiyut;
- kuapurisanguqtauhimaittut nunaliuyut;
- ahiitigut ikumatyutit piqaqvut;
- nunaliuyut imigaayut imiqtaqvut;
- huruqhimayut inait; tamnalu
- anguyaktit havagutai.

**Taiguaq 5:** *Aturahuaqtitni Ihuaqhihimayut Maniliurutit Pivaliatitnit* ikayuqtuqnit maniliurutit pilaqnit hugiaqnilu nunaliuyut piyaqaqni atquhugit aturahuaqtitnit allatqit maniliurutit pivaliatitni ilautitlugit havikhat piqalaqnit, uququyut kaasitlu pilaqnit, aulatyutit tuhaumatyutitlu, tapkuatlu maniliurutit iqalukhiuqnit. Ikayuqtuqta tapkuat pivaliatitni tapkuat Kivalliq-Manitoba turaqpiqhugit havagutai aulariaq ihumagiplugitlu pityutit tapkuatut Nunavutmi atutqikhalat tapkuatlu atutqikhalaittut pitquhit piqaqnit pivigiyait tapkuatlu atuqtut pitquhi nunamittutuqat piqaqnit atquni, pu-laraqtut, ikumatyutit piyaqaqnit, pitaqvut pilaqnilu, tapkuatlu taihimayut nunalikni, nunaliit avikhi-manini, nunaqyuaqmilu ihumagiyaunit. Taiguaq 5 ilaqaqmiyut Parnaut Piyaqaqtitnit, tamna ihuinaqnit tapkuat pittailitit malikhugit nakataini 48(4) tamnalu 74(f) tamnalu *Nunavut Parnaiyainiq Havanguyutlu Naunaiyaqni Maligaqyuat*, tuhakhatlu tapkununga Pinnariyauyut Ilagiyait tapkuat piyaqalat pityuhit piyaqaqtitnit ihuaqhihimayut talvani Taiguaq 6.

**Taiguaq 6:** *Atuqpalianit Atugakhaliat*, piqaqtitai hivulirutit pivaliatitnit uuktuqtut, tapkuat Kamasan, kavamait, maligaliqutit pilaqtitiyit, tapkuatlu ahii atuqtit tapkununga Parnaut qanuqtut atuqpalianiariakhai tapkuatlu atuni havariyai piyaunigut. Piplugit ahii pityutit, uuma taiguaq ihuaqhiyai:

- o tapkuat Kamisankut pityuhi malikhaqnit naunaiqnit, pityutit ihumagiyaayukhat tapkununga Kamasan piyarangat uuktuqtut pilalirangata mikiyunut allatqigutai, nutaq mikiniqpat tuhakhat mikiniqpamik tuhakhat piyaqaqnit tamaitnut parnaut ihuaqhiqiaqnit taihimayutlu tuhakhat piyaqaqnit pivaliatitnit tugaqpiqhugit hava-

gutai, pivikhait qakutikkut naunaiyaqnit tapkuat Parnaut, piqarutailu qanuqtut tapkuat Kamisan piniaqhimayut munarini havanguyut malikhaqnit atuinaqni piplugit;

- o Tamna atuqtutuqaq atuqtunut havikhait pilarutit titiqnit talvani Attataqhimayut A ikayuqtuqni atuinaqtumik atuqni pilaqnilu, ilautitlugit tapkuat havanguyut piyai angiyumik ihuaqhigiqni, piqaqtitai aturiaaqnit ihuaqhiyauni talvani Parnaut Piyaqaqnit atqutauni;
- o nainaqhimayut havariyai tapkuat *Nunavut Parnaiyainiq Havanguyutlu Naunaiyaqni Maligaqyuut inait tapkunani Kamisan, tamna kavamatuqatkut* Minihitauyuq, tamna nunatagaquyuq Minihitauyuq, kavamatkut timingit, havakvit tapkuatlu nunaliuyut tapkuatlu maligaliriyit atuqpalianit tapkuat Parnaut, ilautitlugit malikhaqnit piyaqaqnit tapkunani Aturalgit Atuqni inait ilaliutiyalgit tamnalu Kiklilgit Atuqni inait tapkuat ilaliutyuqnit talvunga laisanut, pilarutit, tapkuatlu aturahuaqunit maligaliqutit pilaqtitiyit naunaiyaqni tapkuat Pinnariyaqni Ilagiyait takukhaunit talvani Nunauyaq B tapkuat nanminiq naunaiyaqni havanguyut.

Piplugit uuktutilgit, tamna Parnaut:

- o pinahuaquyai uuktutilgit naunaiyaqni Nunauyaq A: Nuna Atuqnia Taiyaunit namnalu naunaiqni tapkuat inai (uvaluniit inai) tapkunani havanguyut parnak-tauhimayut tamnalu qanurittuni uvaluniit qanurit-tuni nuna atuqnia taiyauni atuqtut, naunaiyariangi tamaita atuqnilgit pittailinit malikhaqnilu piyaqaqnit atulaqniuyut taphumunga havanguyut, tamnalu ihumagiyaunia piqaqqat kitutliqak Pinnariyaqni Ilagiyait pilaqtut ihuittumik aktuanit hivuani tuniyaunia havanguyut tapkununga Kamisan;
- o piyalgit uuktutilgit tuniyauni havanguyut tapkununga Kamisan piqaqtittangi taihimayut tuhagakhata taphumunga havanguyut ramnaluttauq uqaqtaunia atuqnirahugini aktuanit tapkununga Kiklilgit Atuqnia inait takukhauni talvani Nunauyaq A, tamnalu Pinnariyauni Ilagiyait takukhaunit talvani Nunauyaq B, hulivalliq piyalgit uuktutilgit taphumunga tuhaqhita ukiumun tapkununga Kamisan hivuani tapkuat Kamisan iniqnit kinguagut malikhaqni naunaiyaqnit ilagiarutit turangayut havanguyut uvaluniit ihuaqhigiarutit havanguyut; tamnalu,

- o ilalgit titiqni tamaita Parnaut Piyaqaqnit, tamna ihuinaqnit tapkuat pityutaqni ihuinaqrutmik malikhugit nakataini 48(4) tamnalu 74(f) tapkunani *Nunavut Parnaiyainiq Havanguyutlu Naunaiyaqni Maligaqyuut* tapkuatlu pityuhinut piyalgit atqunit piplugit tamaita tuhagakhata talvani Pinnariyaqni Ilagiyait.

**Taiguag 1-6** piqaqtitni ilagiarutit tuhagakhata ilaitnut malikhaqniq piyaqaqnit tapkuatlu Pinnariyauni Ilagiyait.

**Attataqhimayut A** tamna titiqni havanguyut atuqtunut pilarutit tapkuat nakataini 6.1.8 taphumani Parnaut piqaqtitai aturiaqangititnit pittailitit Kiklilgit Atuqni inait tapkuat atuqtai angiyumik ihuaqhigaiqnit, qanurilaqnit unniqni kikliqanit tahapkununga aturiaqangitnit.

**Attataqhimayut B** piqaqtitai titiqnit tapkuat unniqtutai maligait tapkuat atuqtut tapkunani Parnaut.

**Nunauyaq** piqaqtitai nainaqhimayut tamna nunna atuqnia taiyaunit, tamanlu titrauyaqnit tapkuat at-taqtuni uigunia.

**Nunauyaq B** piqaqtitai nainaqhimayut ilagiarutit tuhagakhata tapkununga Pinnariyaqni Uumatyutit Ilagiyait tamnalu Pinnariyaqni Inuliquitit-maliniurutit Ilagiyait, tamnaluttauq ilalgit titrauyaqnit imaq u-latytut inait.

#### **\*Tuhaqhita**

Tamna Parnaut atuqnittuq uvaluniit aturutai kihianik tamnalu utaqilugu katutyiqatigit angiqtauni tapkununga Minihitauyuq Ukiuqtaqtumiunut Havaktit, Minihitauyuq Avatiliqutitut Nunavutmun tapkuatlu tiliuqtauyut Inuit timinga, tamnalu angiqtauyut taphumunga Kavanuyut Katimayitut tapkuatlu Ataniuyut Katimayit Nunavutmi malikhugit tapkuat *Nunavut Parnaiyainiq Havanguyutlu Naunaiyaqni Maligaqyuut*. Naunaiqlugu tapkuat hivuagut piniaqhimani tamnaunga ataniuyut nainaqhimayut tapkununga Nunavut Nuna Atuqnia Parnaut naunaingitailu tamaita pittailinit, piyaqaqnit, pilarutit, havariyai ahiilu piyalgit ihuaqhaqni talvani Parnaut. Uqauhiutauyut piniaqhimaitni piqaqtitni kitutliqak uqautiyutit uvaluniit hivulirutit, naliangugaluqat maligaqtigit uvaluniit ahiigut, tapkuat tukiliurutaigut tapkuat Parnaut inmingnut, tamna *Nunavut Parnaiyainiq Havanguyutlu Naunaiyaqni Maligaqyuut* uvaluniit ahii maligait. Taiguagut tiliuqtauyut tuhaqhita inmingnut tapkuat iluriyainik tapkuat Parnaut tapkuatlu maligaqtigit pilarutit tamnalu aturiaqaqnit malikhugit tapkuat Parnaut atuqnilgitlu maligait.





Nunavunmi Parnaiyiit